

## Sorak Singapura!

(Tadika 2 Buku Besar 9 'Pipit')

### Gambaran Keseluruhan:

Menggunakan lagu untuk mengenalkan konsep Hari Kebangsaan.

### Matlamat Pembelajaran:

1. mempunyai minat untuk mempelajari Bahasa Melayu
2. membina kemahiran asas bahasa dan literasi

### Objektif Pengajaran:

Kanak-kanak berpeluang untuk:

1. mengambil bahagian secara aktif dalam aktiviti 'Sorak Singapura'
2. memberikan respons yang sesuai

\* Guru menyiapkan barang-barang yang diperlukan untuk menjalankan aktiviti lanjutan. (Contoh: Botol minuman kecil yang kosong, pelekat, kertas berwarna, kacang hijau atau beras.)



Antara barang yang perlu disiapkan oleh guru.

### **#1 Memilih lagu yang sesuai**

- Guru memastikan lirik lagu yang dipilih pendek, berulang dan mudah difahami serta mempunyai melodi yang menarik.
- Guru mengajak kanak-kanak mendengar lagu ‘Oh, Singapura’.

### **#2 Menggunakan aksi dan gerak yang sesuai untuk mengenalkan perkataan baharu**

- Guru mengajak kanak-kanak menyebut perkataan-perkataan dalam lagu.
- Guru menunjukkan aksi yang sesuai kepada kanak-kanak.



*Guru mengajak kanak-kanak melakukan aksi.*

### **#3 Mengulang lagu beberapa kali sebelum mengajak kanak-kanak bernyanyi sambil melakukan aksi yang sesuai**

- Guru mengajak kanak-kanak menyanyikan lagu ‘Oh, Singapura!’ beberapa kali.
- Guru mengajak kanak-kanak menyanyi serta melakukan aksi lagu tersebut bersama guru.

**\* Aktiviti Lanjutan:**



Guru:

- berkongsi dengan kanak-kanak tentang perbarisan Hari Kebangsaan Singapura
- menerangkan bahawa rakyat Singapura bergembira sewaktu meraikan hari yang bersejarah ini dan mereka akan bersorak dengan menggunakan alat-alat sorak
- menunjukkan contoh bahan sorak yang akan dihasilkan oleh kanak-kanak
- mengajak kanak-kanak membuat alat sorak dengan menggunakan barang-barang terpakai atau yang terdapat di dalam rumah
- mengajak kanak-kanak menghias botol minuman kecil yang kosong dengan mengecat botol tersebut dengan warna merah dan putih
- mengajak kanak-kanak mengisi botol yang sudah dihias dengan kacang hijau atau beras
- menutup botol yang sudah dihias dan berisi kacang hijau atau beras dengan menggunakan kertas berwarna dan pelekat.

**Penutup**

Guru mengajak kanak-kanak untuk menyanyi lagu ‘Oh, Singapura’ sekali lagi dengan menggunakan alat sorak yang telah dihasilkan.



Bahan-bahan sorak yang telah siap dihasilkan oleh kanak-kanak.